

МИЯН ГРЕЗДСА «КАМИТЕТ»

Сэтшөм пөра воис,
Мый му вылын йөз,
Ассьыс няньсö сёйис
И... голяас - гез...

Дзикöдз эськö öшис
Сэтшөм пекля голь,
Эз кö босьтчы ачыс
Югдöдны син-пель.

Тадзи кö, пö, овны,
Сöмын озыр пöт.
Вöчам, мед не кувны,
«Беднэй камитет».

Камитет вот эм нын,-
Председатель - Трöш,
Позьö шуны енмөн -
Лöсьыд сылөн тош.

Игö Ёгор - стөрöж,
Куйлö лунысь-лун,
Олö быттьö Дөрöш,
Некытчö оз мун.

Люба Петыр вомнас
«Ойра» ворсö пыр,
Ачыс, кöть и том на,
Асыв узьö дыр...